

Fir datt d'Kierch am Duerf bleift!

Lëtzebuergesch!

Eng Petitioun
schléit all Rekorder:
Dausende vu Bier-
ger ënnerschreiwten,
fir datt d'Lëtzebuerg
Sprooch soll déi éischt
Amtssprooch vum
Land ginn. D'ADR
setzt sech, oft als déi
eenzeg Partei, zanter
Joren dofir an, datt
d'Lëtzebuerg Sprooch,
déi néideg Unerkennung
fënnt. Och als
Integrationsfaktor!



ausschneiden an un d'ADR schécken:
22, rue de l'Eau L-1449 Lëtzebuerg

Gitt Member an der ADR!

Joresbäitrag: 14 €, 20 € (Stot),
5 € (Schüler, Student)
Numm, Virnumm

Adress:

Telefon:

Email:

D'Kierche stinn am Mëttelpunkt vum
eise Stied an Dierfer. Fir vill Bierger
ass et eng Freed, a méi ewéi eng
Traditioun, fir an der Kierch
gedeeft a bestuet ze ginn.
Meeschtens gëtt och an der
Kierch de leschten Äddi gesot.

D'Kierche si wäertvoll kulturhistoresch
Gebaier, a verschiddegen Uertschafte
muenchmol dat eenzegt .

200 Joer laang huet en Dekret vum
Napoléon d'Relatioun téschent
Gemeng a Kierchefabrik gereegelt.
Dëse System huet gutt funktionéiert
a mir kënnen haut houfreg dorop
sinn, datt eis Kierche gréisstendeels
schéin an an engem gudden
baulechen Zoustand sinn. Dofir
muss een och de ganz ville
benevole Mataarbechter Merci
soen, déi sech als Member vum
der Kierchefabrik permanent
dofir agesat hunn, datt d'Kierch
am Duerf bliwwen ass.

Wéisou muss dëst elo op d'Kopp
gehäit ginn? Sécher net, well
déi eng oder aner Gemeng
fir den „Defizit“ vun der
Kierchefabrik huet missen
opkommen! Och d'ADR
ass sech bewusst, datt
d'Relatiounen téschent dem
Staat an de reliése
Communautéiten, mussen
der Zäit ugepasst ginn.
D'ADR huet dozou ganz
konkret Virschléi
gemaach. Jiddweree kann
se am Walprogramm
vun 2013 noliesen,
am Kapitel „Staat a
Relioun am Respekt
matenaner“.

Leider feelt et der Gambia-Regierung
um Respekt vis-à-vis vun de
Reliounen. Et gëtt



Photo: Angèle Kleeblatt

een den Androck net lass, datt de
Manktem u Respekt besonnesch
der chrëschtlicher Relioun gëllt.
Iwwer de Wee vun der véierter
Fro vum Referendum (Sidd Dir
mat der Iddi averstanen, datt de
Staat net méi d'Vepflichtung
huet, d'Paien an d'Pensiounen
vun de Geeschtlechen a
Laienhelfer vun den unerkannte
Glawensgemeinschaften ze
iwwerhuelen?) ass Drock op de
Bistum ausgeübt ginn. Et ass
Hals iwwer Kapp en Accord
ausgeschafft ginn, an deem
d'Kierchefabriken de schwaarze
Péiter zougeschouster kruten!

Och wann net all Propriétéitsverhältnis
kloer ass, esou ass et dach
rechtlech ganz bedenklech
wann, ruckzuck, reliéis Gebaier
mussen téschent engem „Fong“
an de

Gemengen opgedeelt ginn.
Onverständlech ass et, datt
eng Gemeng, sollt d'Kierch
dem Fong gehéieren, per
Gesetz verbuede kritt, z.B.
bei gréisserer Reparaturaarbechte
mat engem Subsid ze
hëllefen. Et geet ëm vill
méi, ewéi nëmme der
Autonomie vun de Gemengen.

D'ADR wäert sech an der
Chamber mat Nodrock
dofir asetzen, datt de
Gesetzprojekt am Sënn
vum SYFEL esou geännert
gëtt, datt d'Kierchefabriken
zwar reforméiert a
regruppéiert, awer net
ofgeschafft ginn, a
weider eng gewëss
Autonomie behalen,
fir hir eegen Affären
ze geréieren, wéi dat
bis elo de Fall war.
Dat schléisst och an,
datt eng finanziell
Solidaritéit téschent
de Kierchefabrik
spille kann a soll.